

К ОПУБЛИКОВАНИЮ

КОМИ РЕСПУБЛИКАСА ВЕСЬКӦДЛАН КОТЫРЛӦН ШУӦМ

Коми Республика мутасса вӧрьясын пӧжарысь видзчысян торья режим урчитӧм йылысь

Коми Республика мутасын кос да жар поводдя пуксьӧм вӧсна да сы могысь, медым видзчысьны вӧрьясын пӧжарьясысь, Россия Федерацияса вӧр кодекслӧн 11, 83 статьяс, «Пӧжарысь видзчысянлун йылысь» Федеральнӧй оланпаслӧн 30 статья, «Коми Республика мутасын пӧжарысь видзчысянлун юкӧнын ӧткымын юалӧм йылысь» Коми Республикаса Оланпаслӧн 2 статья, Россия Федерацияын пӧжарысь видзчысян режим правилӧяс серти, мый вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн, Вӧрьясын пӧжарысь видзчысян правилӧяс серти, кутшӧмьясӧс вынсьӧдӧма Россия Федерацияса Веськӧдлан котырлӧн 2020 во йирым тӧлысь 7 лунся 1614 №-а шуӧмӧн, Коми Республикаса Веськӧдлан котыр шуис:

1. Урчитны 2022 вося сора тӧлысь 8 лунсянь Коми Республика мутасса вӧрьясын пӧжарысь видзчысян торья режим.

2. Пӧжарысь видзчысян торья режимлӧн вына период вылӧ Коми Республика мутасса вӧрьясын урчитны пӧжарысь видзчысянлун серти содтӧд корӧм:

2.1. Поводдя серти вӧрьясын IV да V классьяса пӧжарнӧй ӧпасносът урчитӧм дырйи, сэк, кор метеорологическӧй (поводдя) условияс прогнозлӧн мыччӧдьяс серти матысса 5 лунӧ оз бурмы вӧрьясын пӧжарьяс лоны вермана серпасыс, дзескӧдны вӧрьясӧ гражданалысь ветлӧмсӧ да сэтчӧ транспорт средствоясӧн пырӧмсӧ, ӧтув вӧдитчан туйястӧ веськыда ветлӧм кындзи.

3. Коми Республикаса вӧр-ва озырлун да гӧгӧртас видзан министерстволы:

1) могмӧдны тайӧ шуӧмлысь 2.1 пункт збыльмӧдӧмсӧ, а сӧдзжӧ водзӧ видзӧдны сыӧ кутчысьӧм бӧрся;

2) могмӧдны йӧзӧс юӧртан средствояс пыр вӧрьясӧ гражданалӧн ветлӧм серти дзескӧдӧм пыртӧм йылысь олысьяслы юӧртӧмсӧ;

3) могмӧдны вӧрьясын пӧжарысь видзчысян юкӧнын оланпастэчаслӧн корӧмьяс серти торкалӧмьяс артман помкаяс да условияс ас кадӧ эрдӧдӧмсӧ, дугӧдӧмсӧ, бырӧдӧмсӧ.

4. Вӧрьясӧн вӧдитчысь йӧзлы:

1) могмӧдны вӧрса пӧжарьясысь ӧлӧдан да найӧс кусӧдан средствояслысь содтӧд дасълунсӧ сы могысь, медым дзик пыр реагируйтны вӧрса пӧжарьяс артмӧм вылӧ;

2) котыртны вӧдитчӧмӧ сетӧм вӧр участокьяс патрулируйтӧмсӧ.

5. Вӧзйыны Коми Республикаын меставывса асвеськӧдлан органьяслы:

1) пöжарысь видзчысян канму службалöн юкöдувьяскöд öтув водзö нуöдны олысьяскöд олöмын пöжарысь видзчысян мераяс да пöжар дырйи вöчöмторьяс йылысь гөгөрвоодана удж, лöсялана мутасын дасьтыны да примитны пöжарысь видзчысянлун серти содтöд мераяс да дзескöдöмьяс меставывса аслыспöлöслуньяссö, воддза воясья пöжарьяс лоны вермана кадлысь кывкөртöдьяссö тöд вылö босьтöмөн да оланпастэчас серти;

2) бурджыка видзöдны вөркöд, зданиеяскöд, сооружениеяскöд, олан керкаяскöд орчча мутасьясысь кос турун, ёг да мукöд сотчан материал весалöм бöрся, уна йöза объектьяс, социальной юкөнса объектьяс, пöжар дырйи öдйö сотчысь (пу) олан зданиеяс тöд вылын торйөн кутöмөн;

3) бурджыка видзöдны пöжарысь видзчысян ваён могмöдан ортыса öшмöсьяс (ю-ты, пирсьяс да пöжарнöй гидрантьяс) бура уджавны лöсьöдöм бöрся, кутшöмьяс меститчöмаöсь лöсялана муниципальной юкөнлөн мутасын. Могмöдны ва öшмöсьяс дорö мытшöдтөг матыстчöмсö;

4) олан пунктьяслөн мутасьясын, гражданаөн асланыс могьяс вылö сад либö градывыв пуктас вöдитан мутасьясын пуктыны (сэк, кор абу) пöжар дырйи йöзöс шыён юёртан средствояс, котыртны неминучаяс йылысь олысьясöс юёртан системаяс, пöжарьяс дырйи йöзöс шыён юёртан средствояс прöверитöмсö да найöс бура уджавны лöсьöдöмсö, урчитны пöжар кусöдан могьяс вылö ва запасьяссö;

5) гражданылы вөрьясö ветлöмын дзескöдöмсö пыртigөн Коми Республикаса вөр овмöс нуöдан канму учреждениеяскöд (лесничествояскöд) öтув котыртны вөрьясö нуöдысь туйяс вылын постьяс.

6. Вöзйыны Коми Республикаын меставывса асвеськöдлан органьяслы, став эмбур сикаса организацияяслы:

1) дасьтыны ва ваян да му кодьян техника, кутшöм эм, сы могысь, медым пöжарьяс кусöдигөн вöли позянлун сыён вöдитчыны. Лöсялана веськöдлан документөн урчитны сийöс коран пöрадоксö;

2) содтыны дежуритан (патрулируйтан) лыдсö:

а) асвöля пöжарнöйяслысь, гражданылысь, кодьяс олöны лöсялана муниципальной юкөнлөн мутасын, – лöсялана муниципальной юкөньяслөн, гражданылөн сад вöдитан, град выв пуктас вöдитан да дачнöй абу коммерческой öтувьяслөн мутасьясын;

б) организацияясса уджалысьяслысь – организацияслөн мутасын.

7. Коми Республикаса Юралысьлөн Администрациялы чина йöзкöд да органьяскöд öтув, кодьясöс индöма тайö шуöмлөн 3 - 4 пунктьясын, могмöдны Коми Республика мутасса вөрьясын пöжарысь видзчысян торья режимлөн вына период дырйи пöжарысь видзчысян корöмьяс йылысь олысьяслы юёртан мероприятияяс нуöдöмсö.

8. Коми Республикаса велöдан, наука да том йöз политика министерстволы, Коми Республикаса культура, туризм да архив удж министерстволы, Коми Республикаса удж, уджөн могмöдан да социальнöя дорьян министерстволы, Коми Республикаса вынйөр сöвмöдан да спорт министерстволы Коми Республикаын меставывса асвеськöдлан органьяскöд öтув котыртны велöдчысьяслы (быдтасьяслы) пöжарысь

видзчысян мераяс йылысь юөртөмсö, сы лыдын челядылы гожся шойччан учреждениясын.

9. Тайö шуөмсö олөмö пöртöм бöрся видзöдны Коми Республикаса Веськöдлан котырöн Юрнуöдысьöс вежысьлы, кодi кывкутана могъяс юклöм серти координируйтö Коми Республикаын вöр йитöдъяс юкöнын öтувъя канму политика збыльмöдан сфераын Коми Республикаса олөмö пöртысь власьт органъяслысь уджсö.

10. Тайö шуöмыс вынсялö сийöс примитан лунсянь.

Коми Республикаса Веськöдлан котырöн
Юрнуöдысьöс Медводдза вежысь

Э. Ахмеева

Сыктывкар
2022 вося сора тöлысь 7 лун
327 №